

**O'ZBEKISTON RESPUBLIKASI RAQAMLI TEXNOLOGIYALAR
VAZIRLIGI**

**TOSHKENT AXBOROT TEXNOLOGIYALARI UNIVERSITETI
QARSHI FILIALI**

**«Diskret tuzilmalar»
to'garagi**

NIZOMI

Qarshi – 2024y.

« Diskret tuzilmalar » to'garagi NIZOMI

I. Umumiy qoidalar.

1. Ushbu Nizom Toshkent axborot texnologiyalari universiteti Qarshi filiali «Tabiiy fanlar» kafedrasida tashkil etiladigan « Diskret tuzilmalar» to'garagini (keyingi o'rinlarda to'garak deb ataladi) tashkil etish va yuritishni belgilaydi.

2. To'garak o'z faoliyatini O'zbekiston Respublikasi Konstitutsiyasi, «Ta'lim to'g'risida»gi Qonuni, «Kadrlar tayyorlash milliy dasturi», O'zbekiston Respublikasi Oliy va o'rta maxsus ta'lim vazirining 1998 yil 10 iyuldagi «Iqtidorli talabalarni izlash, aniqlash va ularni maqsadli tayyorlash to'g'risida»gi 185-son, 2001 yil 11 oktyabrdagi «Iqtidorli talabalar bilan ishlash faoliyatini yanada takomillashtirish to'g'risida»gi 249-son hamda 2002 yil 30 oktyabrdagi «O'zbekiston Respublikasi oliy ta'lim muassasalarining iqtidorli talabalar bilan ishlashni takomillashtirish to'g'risida»gi 279-sonli buyruqlari va boshka normativ-huquqiy hujjatlariga hamda ushbu Nizomga muvofiq amalga oshiradi.

3. Mazkur Nizom Toshkent axborot texnologiyalari universiteti Qarshi filiali (keyingi o'rinlarda filial deb ataladi) «Tabiiy fanlar» kafedrasida (keyingi o'rinlarda kafedra deb ataladi) tashkil etilgan « Diskret tuzilmalar» to'garagi uchun tatbiq qilinadi.

4. To'garak uzluksiz ta'lim tizimining tarkibiy qismi bo'lib, davlat va jamiyatning uzviy hamkorligida ishlab chiqilgan dasturlar va rejalar asosida o'sib kelayotgan yosh avlodni ruhiy va ma'naviy jihatdan mustaqil hayotga tayyorlash, jamiyatda munosib o'rin egallashini kafolatlaydigan, real iktisodiy tarmoqlari va sohalariga yuqori malakali, mustaqil ijodiy, ma'naviy-ma'rifiyishlarni maqsadli hamda tizimli asosida amalga oshiruvchi amaliy va ilmiy-uslubiy ijodiy uyushma hisoblanadi.

5. To'garak talaba-yoshlarni optimal yechimlarni izlab topish ko'nikmalarini va o'quv faoliyatiga nisbatan motivatsiyasini rivojlantirishga qaratilgan qiziqishlari bir xil bo'lgan bir guruh talabalarning ma'lum fan yoki kasb bo'yicha tajribali professor-o'qituvchilar va kasb-ta'limi ustalari tomonidan ularning bilim va mahoratini oshirish uchun xizmat qiladi.

6. To'garak–bilim va ta'lim sohalarida hamda mutaxassisliklari bo'yicha ilmiy-ijodiy, ma'naviy-ma'rifiy ishlarni maqsadli va tizimli asosda amalga oshirish uchun, talaba-yoshlar qiziqishiga, xoxishiga asoslangan holda darsdan bo'sh vaqtlarini mazmunli tashkil qiladi, o'quv-tarbiya jarayonini to'ldiradi va kafedra negizida tashkil qilinadi.

II. Maqsad va vazifalar

7. Talaba-yoshlarning qobiliyati, iste'dodini rivojlantirish, bilim olishga va yuksak ma'naviyatli shaxs sifatida shakllantirishga to'liq safarbar etish.

8. Talabalarni har tomonlama hayotga tayyorlash, mamlakatimizda demokratik va iqtisodiy taraqqiyotimizning taqdirini hal eta oladigan yuksak ma'naviyatli, global fikrlaydigan, kasbiy faoliyati shakllangan, yuqori malakali kadrlar tayyorlash uchun ijodkor istedadli yoshlarning ilmiy-ijodiy salohiyatini oshirish.

9. Ma'naviy-ma'rifiy va tarbiyaviy ishlarni rivojlantirish va talabalarning bo'sh vaqtini mazmunli tashkil etish hamda ularning amaliy- ijodiy qiziqishlarini qo'llab-quvvatlash.

10. Kafedra fanlari va ustuvor ilmiy yo'nalishlari hamda iqtidorli talabalar extiyojlariga javob beruvchi ta'lim-tarbiyaning mazmunini muntazam ravishda yangilab borish.

11. Qo'shimcha bilimlar, malakalar egallashga bo'lgan extiyojlarni shakllantirish va ularni yanada boyitish.

12. Har bir talabaning tabiiy bilimdonlik darajasi va ijodiy imkoniyatlarini aniqlash va rivojlantirish.

13. Hayotning oliy kadriyati bo'lgan mehnatga munosabatni tarbiyalash.

14. Talabalarning kafedra fanlari buyicha bilimlarini kuchaytirish, ilmiy tadqiqot ishlariga jalb qilish, ilmiy va ommabop maqolalar tayyorlash va nashr etish.

15. Talabalar ishtirokida tadbirlar tashkil etish va o'tkazish.

16. Talabalarni nomdor davlat stipendiyalariga tayyorlash va tavsiya etish.

17. To'garak a'zolarini o'qitish va tarbiyalash sifatini yaxshilash maqsadida o'quv-tarbiya va uslubiy ishlarni takomillashtirish.

18. Filialda tahsil oluvchi barcha talabalarga ularning har tomonlama kamol topishlari va bo'sh vaqtlarini o'zlari belgilashlari uchun imkoniyat yaratadi.

19. Talabalar shaxsining rivojlanishiga, ularning qiziqishlariga, iqtidoriga, mustaqil bilim olishlariga va ijodiy mehnat qilishlariga shart-sharoitlar yaratadi.

20. Talabalar bilimi va amaliy ko'nikmalarini rivojlantirish va mustahkamlashga oid chora-tadbirlarni amalga oshiradi.

21. Kafedra fanlari bo'yicha qo'shimcha ta'lim beradi.

22. Talabalar o'rtasida qobiliyatli, iqtidorli yoshlarni aniqlash, shaxsni rivojlantirishga qaratilgan olimpiada, tanlovlar hamda boshqa tadbirlarni uyushtiradi va o'tkazadi.

III. To'garakni tashkil qilish va rahbarlik qilish.

23. To'garak – fakultet dekani, kafedra mudiri tavsiyasi asosida filial direktorining buyrug'i bilan quyidagi hujjatlar asosida tashkil etiladi:

- to'garak ish rejasi;
- to'garak o'quv rejasi;
- to'garak a'zolari haqida ma'lumot;
- o'tkazilgan mashg'ulotlar hisoboti jurnali.

24. To'garak hujjatlari 1-ilovada keltirilgan shakllar asosida to'garak rahbari tomonidan shakllantiriladi

25. To'garak mashg'ulotlariga tajribali professor-o'qituvchilar rahbarlik qiladi va direktor o'rinbosarlari nazorati ostida fakultet ilmiy Kengashiga muntazam hisobot beradi.

26. To'garak rahbarining vakolatlari va vazifalari:

- to'garak rahbari xar bir darsga puxta tayyorgarlik ko'radi va to'garak mashg'ulotlarini qiziqarli tashkil etib, interfaol usullardan foydalanib o'tadi;

- to'g'arak a'zolari tomonidan takdim qilingan dasturiy hujjat, loyiha va konsepsiyalarni muhokama qiladi va ular yuzasidan tegishli qarorlar qabul qiladi;
- to'g'arak ishini tashkillashtiradi va rahbarlik qiladi;
- to'g'arak ishini buyuk ajdodlarimiz merosiga chuqur hurmat bilan yondoshish, milliyg'urur va vatanga sadoqat ruhida, darsdan tashqari vaqtdan unumli foydalanish maqsadida to'g'arak faoliyatini yuritadi;
- yo'nalish buyicha to'g'arak a'zolari individual va guruhii mashg'ulotlar olib boradi;
- to'g'arak a'zolarining kasbiy mahoratini mustahkamlash va bilim darajasini yuksaltirishga harakat qiladi;
- talabalarni to'g'arakka jalb qilish maqsadida saralash va jamlash ishlarini olib boradi;
- to'g'arak a'zolarini turli musobaqa, ko'rgazma va boshka ommaviy tadbirlarda qatnashishini ta'minlaydi;
- to'g'arak a'zolarining tartib-intizomga rioya etishini nazorat qiladi va davomatini olib boradi;
- guruh murabbiylari va to'g'arak asosi sifatida belgilangan fanlardan dars beruvchi professor-o'qituvchilar bilan hamkorlik qiladi;
- to'g'arak ishi faoliyatini takomillashtirish bo'yicha taklif beradi, to'g'arak ishini aks ettiruvchi burchakni rasmiylashtiradi va uni reklama qiladi;
- to'g'arak ishi bilan bog'liq bo'lgan hisobotni tuzadi va hujjatlarni yuritadi.

IV. To'g'arak huquqlari.

27. Filial hududida bajarilayotgan ilmiy-tadqiqot loyihalarida qatnashish, turli ilmiy-amaliy anjumanlar, ko'rgazmalar, ijodiy uchrashuvlar, tadbirlar majmuasini uyushtirish va o'tkazishda ko'maklashish.

28. Qonunlarda belgilangan tartibda reklama ishlarini amalga oshirish va o'z faoliyatida ommaviy axborot vositalaridan foydalanish.

29. Yoshlar orasida madaniy-ma'rifiy, ilmiy-amaliy ishlarni olib borish va to'g'arak faoliyati haqida axborotni keng targ'ib etish.

30. Respublika OTMlari, ilmiy markazlar, zamonaviy korxona va tashkilotlar bilan ilmiy-ijodiy hamda amaliy hamkorliklar o'rnatish.

To'garakning a'zolari

31. Ta'lim yo'nalishi, mutaxassisligi hamda ta'lim tilidan katiy nazar bakalavriat va magistratura talabalari to'garakka a'zo bo'lishlari mumkin.

32. To'garakning a'zolari o'quv-tarbiyaviy vazifalarni hal etishda, o'z bo'sh vaqtlarini va dam olishlarini to'g'ri tashkil etishda ishtirok etadilar.

33. To'garakning azolari quyidagi huquqlarga egadirlar:

- bir necha to'garaklar faoliyatida qatnashish, o'quv yili davomida boshqa to'garaklarga o'tish;
- to'garakning ish faoliyatini yaxshilashga oid takliflar kiritish;
- to'garak faoliyatiga doir barcha tashkiliy-amaliy masalalarning hal qilinishida teng huquqlilik asosida ishtirok etish.

34. To'garak a'zolarining burchlari:

- to'garakda o'rnatilgan intizom va tartibga rioya qilish;
- to'garak maksadlari va vazifalarini amalga oshirishda faol ishtirok etish;
- o'z ijodiy qobiliyatlarini rivojlantirish, bilimlarni mustaqil egallash ko'nikmasini hosil qilish va uni amalda qo'llash;
- tasdiqlangan to'garak jadvali asosida to'garakda qatnashish va mashg'ulotlarni sababsiz qoldirmaslik;
- to'garak mashg'ulotlari uchun zarur bo'lgan barcha o'quv qurollarini olib kelish, xavfsizlik texnikasi hamda sanitar-gigienik me'yorlariga rioya qilish.